

Powšitkowne WOZJEWJENJA

njedźelu, 8. julija 2018

Změna kemšacych časow w Róžeńće

W Róžeńće su wot julija hač do kónca septembra jeničce Bože mše w serbskej rěči w 10.30 hodž. Wuwzaće je njedžela Gig-festiwal, 29. julija. Boža mša budže hižo w 10 hodž. w němskej rěči.

Kemše w Krupce

Na putniku Božu mšu srjedu, 25. julija, w 10 hodž. w Krupce pojedže zaso bus. Štóž chce sobu jěć, njech so najpozdžišo hač do póndžele, 16. julija, w Šmitec wozydłownistwje w Radworju přizjewi, telefonowe čisło (03 59 35) 28 60.

Zetkanje putnikow

Putnicy, kotřiž chcedža so pěši do Krupki podać, su na zetkanje do Chróscic na faru přeprašeni. Tute budže pjatk, 13. julija, po Božej mši, kotraž je w 19.00 hodž.

Nóc tysac swěčkow

Na zahrodže klóštra Marijineje hwězdy w Pančicach-Kukowje dožiwja wopytwarjo sobotu, 21. julija, wot 19 hodž. zaso nóc tysac swěčkow. Hač do zaswěćenja swěčkow budže pisany program. Tež za džěci je mnoho zajimaweho spřihotowane. Wšitcy su wutrobnje přeprašeni.

Swójbne popołdnjo

Wšitke swójby ze serbskich wosadow su cyle wutrobnje na zhromadne popołdnjo přeprašene. Tute budže njedželu, 26. awgusta. Dokładne informacije hišće scěhuja.

Šolowy dzeń

Na lětušim swójbnym popołdnju njedželu, 26. awgusta, wobrubu projektowy chór serbskich džěci zakónčacy nyšpor. Zajimowane džěci su wutrobnje přeprašene sobu spěwać. Proba budže sobotu, 18. awgusta, wot 9 hodž. hač do 14 hodž. w Don Boskowym Domje we Worklecach. Witane su tež te džěci, kotrež njejsu w meji sobu spěwali.

„Mjenje stresa – wjace wjesela“

W Domje biskopa Bena w Smochćicach ma so w třecim tydženju lětnich prózdnin wot póndžele do soboty, 16. do 21. julija, swójbny tydzeń pod temu „Mjenje stresa – wjace wjesela“ wotměć. Staršim z džěcimi wot třoch lět poskićuja tam móžnosć, we wšelakorych seminarach nastorki za wšedny dzeń w swójbje dóstać. Při tym póndže wo respektny kubłanski stil, wo wid na potřebnosće džěci a młodostnych kaž tež wo to, na kotre wašnje móža starši na mylace zadžerženske wašnja přiměrjenje reagować. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy pod telefonowym čisłom (03 59 35) 2 23 17.

Znowa Gig-festiwal w Różeńće

W Różeńće wotměje so wot pjatka do njedzele, 27. do 29. julija, Gig-festiwal. Wón zahaji so pjatk we 18 hodź. z Božej mšu w hnadownej cyrkwi. W 21 hodź. pokaza so film „Outcasts“, kotryž rozprawja wo dźěle franciskanow wobnowjenja z New Yorka. Sobotu wot 17 hodź. je koncert ze wšelakimi mjezynarodnymi skupinami. Mjez nimi budže rockowa skupina The Thirsting z USA runje tak kaž serbska skupina Jankahanka, Kaplan Kuba z Pólskeje, Edwin Fawcett a gospelowy chór z Jendźelskeje. Za kóždoho budže něšto pódlu – pop, soul, rap a rock kaž tež kabaret, zdžělchu zarjadowarjo. Swjatočnu Božu mšu njedzela, 29. julija, w 10 hodź. sćelak Radio Horeb originalnje přenjese. Budže to tón dzeń jenička njedzela Boža mša na hnadownym městnje. Kemšam přizamknje so brunch z hudźbu na jewišću. Zdobom da Torsten Hartung swědčenje. W 13 hodź. zahraje tam serbska skupina „Sorbian Art Trio“. W 14 hodź. přednošujetaj Sam & Miriam Randall z Jendźelskeje w stanje, kak staj so zahorjenaj katolikaj stałoj. W 19 hodź. budže eucharistiski nyšpor w cyrkwi. Z bjesadnym wječorom so Gig-festiwal zakónči. Wšitcy – młodostni runje tak kaž starši a swójby z dźěćimi – su wutrobnje do Róžanta přeprašeni. Nadrobny program je w interneće pod www.gigfestival.de wozjewjeny.

Němskorěčne kemše w čěskich Hejnicach

Stajnje poslednju sobotu měsaca změje farar Michael Dittrich w přichodnych měsacach němskorěčnu Božu mšu w putniskej cyrkwi swjateje Marije wopytanja w čěskich Hejnicach. Kemše 25. awgusta, 29. septembra a 27. oktobra budu tam we 18 hodź. Zdobom su wěriwi pónzela, 2. julija, w 10.30 hodź. na putniku Božu mšu přeprašeni.